



وَيَلِيهِ

أَحْكَامُ قَوْمِ الْمَسَلِمِ

Qhuraanak elle cabo sidiica juzih tafsiiri (qhadsamiq kee tabaarak kee qammi juz-itte)



wohih lakal

muslimti yaaxigem faxximta
madqooqi katayta

Fayla lem yalla. Salat kee nagayna ni giftaay ni nabiiy ni kacnoyta yallih farmoytih amol tanay. Tohik lakal:

Ixig yitoobokoytaw muslimtaw.kaadu yi maqanxay muslimtoy yalli sinih xuwaaway , diggah nek raq sinnim affaram bartanama:

Naharsitoo: ixxiga: woh yallaay saytunnooweeh fayya le yaxigenimi kaadu kay nabi Salat kee nagayna kay amol tanay yaaxigeenimi, kaadu islaam diini yaaxigeenimi, woh akah kinnim yalla ixxiga sinnim yaqbudeenim xeqewaytaamih taaga, woh abe num kaak ellecabo soxa, tohut diggah nasaara-weelot gace.

Nammay haytoo: abina:yeexegeeh elle taamitewee num diggah yahud weelot gace, usun yeexegeenih elle taamiteweenimih taaga, sheetan ayrak tu sahdaytu ixxiga goranak yayxeeremi, kaadu sahdaytut celsisah isi iggimat yallih garil quzri lem , usuk maaxiginna bartam duudak bartewee num diggah sumaq kaal soleh, tahaa nuuc marih ayra yalli iyyeh: ﴿ جَعَلُوا أَسْجِدَهُمْ فِي آدَانِهِمْ وَأَسْتَغْشَوْا ثِيَابَهُمْ ﴾ Aayaatih maqna : **(isinni feeraari aytit hayya heenih issinni sarat umbududda iyyen waqdi sumaq keenil soolewaa gidih)** [nuuc:7]

Sidoocaytoo: yalla fan secaanama : Toh tutaaxago kee yalla fan seeca usun ambiya nagroytiti, diggah yallaay saytunnooweh fayya le israa-il xaylo abaareh Yalli kah iyyennah: ﴿ كَانُوا لَا يَتَنَاهَوْنَ عَنْ مُنْكَرٍ فَعَلُوهُ لَبِئْسَ مَا كَانُوا يَفْعَلُونَ ﴾

Aayaatih maqna: **:(usun diggaha aban umaanek titta waasak masuginnoon manxu umataamaay abak sugeenim)** [maida:79]

kaadu seeco kee barsiyyi fardu kifaayay sahdak garab kaa abek num kah madambita, hinnamay inkih cabeenikii inkih akah dambitan.

Ferahaytoo: gadan gaddil yasbireemi: qilmi baritoo kee kaal taamitaanamaay kaa fanah seecaanamal.

Iggima kalaanamat gaba assagaluk, ixxiga gorana xabbacoysak, akitaabay uxuxsimel siinih gaabosnem shariqah ixxigak tu duddu haytama kee ellacabo sidooa juzii qhuraanak tafsiir luk woh kah kinnim mangih gacmah taaga, kaadu inkih eleele waanam mangom kak cabaanam mali.

Kaadu tartarsnimeh wohul inkih uxuxsiyyal, kaadu nabik temeeteemil salaah kee nagayna kay amol tanay. Kadu nanu duddu le mara kinnino minna tohim (duddu) yallaay saytunnoowee fayyale cagliteemi,takkay immaay tamah dogom abeenit giclo,abto nek temqek toh yallih gabuk taniimi hoxi edde yenek toh nee kee sheetan gabuk taniimi yalla kee kay farmoyta nagah kak taniimi, niqaybi nee yaybulle num yalli kaah xuwaaway.

Yalla, kallacna, akitaabih, massos kee bicsaa kee kawsiiyaa kee barsiyyat gaba essegella hee marah galtoh,abeenim keenih raabitaah ajri keenih dirribisa.

yalli yaaxigi salat kee nagayna ninabiyyi qabdalla baxi macammadaay kay buxah maraay kay kataysiisiy inkih ken amol tanay.

Akitab miqemih ixxigga le marih butta kee darasoosi butta islam baadal sumaaqiteenih almowkiq www.tafsiir.inf albariid afar@tafsiir.inf

tohik lakal iyyeh ibnu qumar: (yallih farmoytak tamah oobba heemih inki bar maxiiniyyo liyo farrimto fiiriseh xiineeh akke waytek).

► imaam acmad yalli kaah racmatay iyyeh: (fiirise cadiisiiy elle taamitewee mayyu, yallih nabi salat kee nagayna kay amol tanay abu teyba xuur kaat hee wak diinaar kaah yece iyya cadiis uble wak numuk xuur yot haa exceeh diinaar kaah cee).

► imaamul bukhaari yalli kaah racmatay iyyeh: (num inkinnah macantiyyo cami **caraam kinnim** eexegek sarra. Yallat angoorowe wak kaat qaagitah num camitte iyyeh cisab yok abe wayuh)

► yallih farmoyti salat kee nagayna kay amol tanay iyyeh :**(ayatal kursi ummaan salaatih wadiril kawiseh yan numu, jannatak kaa waassam matan raba akke waytek)** nisaa-i baahe xaagu, ibnul qhayyim yalli kaah racmatay iyyeh: (shekhul islaam iyyeh iyyaanam: **ummaan salaatih lakal tamah macabiyyo** hawweeneh akke waytek).

* ixxiga kee taama lakal, **wohul sinaamah sectam raq kok mali wohut tan muxxoh taagah**, is galto mawaysiisin sinam maqaane mawaysiisin, yallih nabi salat kee nagayna kay amol tanay iyyeh: **(maqaane sinaamah yescesse num abe numih galtole)** muslim baahe xaagu,

kaadu yallih nabi salat kee nagayna kay amol tanay iyyeh: **(siinik aysuk raqtam qhuraan bariteeh barise mara)** bukhaari baahe xaagu, yallih nabi salat kee nagayna kay amol tanay iyyeh: **(yok toobbeenim warisa inki ayataay takke way)** bukhaari kee muslim bahte xaagu, maqaane fixiixisiyyak abinnaanah gide galtok geetto, galto koh gexak raaqele mano kee rabak lakal, yallih nabi salat kee nagayna kay amol tanay iyyeh: **(num rabek lakal kay taama taggiriqeh sidiicam koh raqtuh : gexak raqta sadaqhaay, tuxxiqle qilmi cabiiy, meqe baxay dooqa kaah aba)** muslim

baahe xaagu.

Diifu: Alcamdu lillaa ummaan ayro taban kee malcina addak muxxi kawisnaah yalla eleelitak yalli akah ceree maraa kee: ﴿ الْمَغْضُوب عَلَيْهِمْ ﴾ hoxe mara ﴿ الصَّالِينَ ﴾ nakkeemik, wohuk lakal ken ceelot mannah gacnaah ken taama kataatak : **baritnaah elle mataaminna**, tohuuy yahuuduy yalli elle cereeh weelot gacna waka, **hinnay baritto cabnaah iggimal taamitna gidih**, tohuuy nasaaray hoxxe weelot gacna waka !

Yalla kallacna nee kee koh inkih tuxxiqle qilmii kee meqe taama yacayuh.

Ixxiga yallah dabaqta, yallaw salat kee nagayna ni giftaay ni kacnoyta macammad kee kay buxah maraa kee kay kataysiisil inkih oobissam ko esserra.